

六朝事迹編類卷之十四

左奉議郎充江南東路安撫司幹辦八事張敦頤養正撰

碑刻門

吳孫皓封禪碑在常州宜興縣封禪山磨崖而刻
今尚存

吳天璽元年紀功三段石碑皇象書

晉侍中右光祿大夫西平靖侯顏公太宗碑公名
含字弘都今在府學顏真卿書

晉右光祿大夫西平靖侯顏府君碑真卿書今在
府學

晉建威將軍忠平縣侯竺使君銘在金陵鄉張陣
湖

晉建威將軍忠平縣侯竺使君頌在張陣湖碑石
損斷

宋謝壽夫人王氏墓誌在土山淨名寺後菜園中
今移在上元縣

齊侍中尚書令巴東獻武公碑在黃城村梁普通
三年造

梁侍中司徒驃騎將軍始興忠武王碑徐勉造貝
義淵書在清風鄉黃城村

梁散騎常侍司空安成康王碑劉孝綽撰貝義淵
書在清風鄉甘家巷

梁永陽昭王墓誌銘徐勉造在清風鄉居民井側
今在上元縣

梁永陽敬太妃墓誌銘徐勉造在清風鄉路傍

梁臨川靖惠王神道石柱在北城鄉

梁侍中吳平忠侯蕭公神道石柱在清風鄉花林

村

梁建安敏侯神道石柱在鳳城鄉淳化鎮西

梁上清真人許長史舊館壇碑丹陽陶弘景撰并

書天監十三年立碑陰刻華陽頌普通三年五月

五日立唐紫陽觀主劉行矩等重勒在句容玉晨

觀

陳江總棲霞寺碑在攝山

陳宮井欄題刻在法寶寺之西邦人云字漫滅惟

戒哉二字可辨今不知其所

六朝事迹編類卷之十四

平陳碑隋薛道衡撰文虞世南書在石頭城西

大唐高宗明徵君碑在攝山棲霞寺高宗撰高正

臣書

大唐棲霞寺齊會記大和五年立

大唐棲霞寺律大師碑大曆四年立

大唐重建開善寺記在蔣山寺

大唐玉清觀四等碑開元十五年立陶巨莊書碑

石損斷今置崇禮鄉玉清觀墓上

大唐沈傳師齋疏在棲霞寺沈傳師題名在千佛

嶺

大唐王法主碑鳳閣侍郎同鳳閣鸞臺三品弘文

館學士劉禕之文唐文明元年立在茅山崇玄觀

大唐玄靖先生李含光碑湖州刺史魯郡公顏真卿文并書在玉晨觀

大唐遙傷茅山孫尊師詩碑唐司空兼門下侍郎平章事李德裕述前知鹽鐵轉運使上柱國裴質方書在玉晨觀

大唐三洞景昭大法師韋君碑檢校國子司業吳縣開國男陸長源文檢校尚書兵部郎中兼侍御史竇泉書并篆額唐貞元三年立在玉晨觀

大唐下泊宮記觀察判官監察御史裏行王師簡文弘文館校書郎段令緯篆額在玉晨觀

大唐祠宇宮白鶴廟記大曆十三年三月立尚書水部員外郎河東柳識文華陽崖舍退士中山劉

鳴素書在鴻禧院

六朝事迹編類卷之十四

大唐正義女碑李白文在溧陽縣潁陽江北

偽吳興化院銅鐘鑄文徐溫鑄在丹陽鄉香林寺偽吳釘石鑄文順義元年鑄在靖安鎮

南唐方山寶華宮碑在方山崇真觀

南唐洞元觀請鐘記在崇真觀

南唐寶華宮功德什物記在崇真觀

南唐李順公神道碑高越書在石頭城北

南唐張懿公神道碑朱鉞書在石頭城後

南唐蔣莊武帝廟碑徐鉉撰朱鉞書圖經云已亡今碑石在蔣廟門外此圖經之誤也

南唐紫陽觀碑太子右諭德徐鉉文尚書虞部郎

中楊元鼎書并篆額在茅山玉晨觀

南唐許真人并銘徐鉉文并書在玉晨觀

南唐徐鉉題名在棲霞寺千佛嶺

南唐齊丘鳳臺山詩刻在保寧寺

南唐夫人易氏墓誌額在土山淨名寺

南唐李後主祭悟空禪師文并親書德慶堂二字
在清涼寺

南唐開善寺并記在蔣山寺

南唐義井欄刻字在石頭城後七里鋪

南唐僧用虛題棲霞寺詩在本寺千佛嶺

景德棲霞寺殿記在本寺高陟譔

景祐重造蔣廟碑陵陽景譔今置蔣廟庭下

惠烈廟記在蔣廟曹熙立

蔣廟篆祭文蔣堂文邵必篆今在廟中

道光泉記王安國譔在蔣山寺

八功德水記梅摯譔在蔣山悟真菴後

蔣山太平興國寺莊田記僧贊元立

蕭帝寺記元絳譔在法光寺今名鹿苑寺

子隱堂記梅摯譔在法光寺

白雲菴記王安國譔在棲霞寺

寶禪師語錄序米芾書在惟政鄉半山寺

溧陽長潘元卓校官碑今在溧水縣漢碑附此

六朝事迹編類卷之十四終

光祿寺署正上元李濱古漁重校刊

六朝事迹編類卷之十四

六

高陽許嵩作建康實錄文多汗漫參攷者疲
於省閱新安張養正裒舊史而爲六朝事迹
編類部居粲然俾江左三百餘年之故實名
布方策非博雅好古未易成此書也余叨守
建康養正適以議郎居幕府因取其書刊於
此邦養正名敦頤屢專侯類以文章道養爲
學者之所矜式此特餘事爾紹興庚辰立冬
日東魯韓仲通書

建康府學開鑊司書黃永弼校勘

紹興三十年十月 日

右迪功郎權江南東路安撫司準備差遣程 禧

右通直郎知建康府上元縣主簿勸農公事兼兵馬監押滕 瑾

右宣教郎知建康府江寧縣主簿勸農公事兼兵馬監押陳希年

左奉議郎充江南東路安撫司幹辦公事張敦頤

右承議郎充江南東路安撫司主管機宜文字趙一鶚

左朝請郎添差充江南東路安撫司參議官傅祿卿

右朝奉郎通判建康軍府兼管內勸農事提舉圩田李衡老

六朝事迹編類終

右朝奉大夫通判建康軍府兼管內勸農事提舉圩田蘇師德

右朝散大夫尚書戶部郎中總領江東淮西諸軍錢糧所管御軍馬李都 絜

敷文閣學士右中大夫知建康軍府江南東路安撫使馬步軍都總管兼行

宮學守司事東魯郡開國侯食邑三千戶食實封參伯戶 韓仲通

光祿寺署正上元李濱古漁重校刊

重刊六朝事迹編類敘

六朝事迹編類十四卷宋紹興中江東安撫
幹官張敦頤撰建康留守韓仲通爲敘刊於
建康府學宋史藝文志載之卷數同宋陳振
孫直齋書錄解題作二卷 四庫總目提要
亦作二卷而十四卷本自韓槧以後不易得
也明吳琯古今逸史本併爲上下二卷不完
其舊且多譌舛丙戌寓姑蘇得識府訓導包
先生子丹藏書頗富請觀其目乃有是書之
十四卷本者末葉題建康府學開鏤及紹興

重刊六朝事迹編類敘

年月衆官結銜皆他本所闕適寶章閣主人
意眷眷刊古書因假是本主人出貲余爲之
校讐監刊并敘之曰金陵藝文猗與盛矣兩
漢吳晉太學郡學齊梁南唐士林胄監儲藏
遠古渺莫追攷惟建康府學以下志次部目
而陽厄陰災消滅亦盡迺今張書垂泯後人
繼絕亦云幸矣其書爲六朝別史算計門類
十有四部綜萃故實二百餘年體例整潔隳
括宏富上承建康實錄下起景定志書金陵
古本著稱博雅然而舊郡典章須以刊者爰

此推索犛牛萬毛即今經營陳倉一粟苟僅
錫主人之功亦將可矣惟創自坐賈販權貴
賤孤寒士類貧弱莫辨學者或惜之也是故
古人論國子監以木刊書放之可而鬻之不
可所以輔左政治使人不迷于習陸儼山所
謂勝國時郡縣以學糧之餘爲鏤版之貲足
以備一方之居稽甚至合數郡而成帙校勘
案而不圖鬻也雖然國可爲之官可爲之而
商賈曷可爲也余與主人素善不以諱爲贖
而故稱其肥至有罪于益州然而成是書也

重刊六朝事迹編類卷

錄寫者爲金氏茂才劖劂者爲謝氏文翰計
畫行次斟酌寸尺增益矩度仿摹宋槧較古
得竊其象兩美而成其物亦可觀矣至于校
讐之役自古曰難譬諸地中擇葉再華不盡
坂上走丸溜目而遺以余粗鄙之材淺陋之
學于斯職焉竊慎未盡讀者糾之迺所厚冀
上元李濱撰